

# BODRAP ZINIS

#1

17.10.'07.

BOROWYS MC DRAUGU APVĪNEIBYS INFORMATĪVS IZDAVUMS

## Loba dīna!

Ar rudeneigim sveicīnim taišni pi Tevs gostūs lidoj pyrmīs „Borowys MC draugu apvīneibys” ci BODRAP ziņu laidīns. Vysa jaunuokuo, aktuoluokuo i interesantuokuo informaceja ap i par grupu „Borowa MC”! Ka koč kas interesej, uztrauc, gribi zynuot, ci kas cyts svareigs, drūši roksti: **bodrap@inbox!**

Edeite

## „Baba Toņa inženers” klips!

Kai jau zini, grupa 21.septembrī Kuorsovys apleicīnī izfilmieja klipu dzīsmei „Baba Toņa inženers”. Grupa soka lelu paļdis vysim kas pīsadaleja i pīcojuos, ka atsauceiba bejuse tik lela! Klips veļ tūp, nu dreizi byus skotoms ari Tev, bet **26.oktobrī** paradzāts klipa prezentacejis pasuokums! Sasaausa vysi Daugovpiļs puses Borowys atbalsteituoji! Klipa prezentaceja paradzāta byuvnīceibys nomā „Kurši” Daugovpilī! Preceizuoka informaceja par itū pasuocīni veļ sekuos! Zynoms ari, ka **31. oktobrī** paradzāta klipa prezentaceja LTV7 skateituojim raidejumā „SeMS Zupā!” Bijdis nu klipa filmeišonys vari apsaviert: <http://www.apollo.lv/portal/fun/articles/109739>



## Antonija Žerāne ci Baba Tona

„Asu tei pošā Baba Toņa nu Borowys MC dzīsmis. Vyskaistuokuo i lobuokuo! :) Maņ pateik lobi cylvāki par kaidim uzskotu vysus sovus draugus, taitod ari Tevi! Zynu, ka kūpā mes varam cīš daudzil! :)”

Nui, nui! Latvejī popularajā portalā [www.draugiem.lv](http://www.draugiem.lv) tāņ energiski dorbojuos ari Baba Toņa, kas ir aktiva grupys lītu puorzynuotuoja. Drūši aicynoj draugūs! Jei Tev vysu lobuok vareis pastuosteit, kas jauns i lobs nūteik grupys dzeivē, atbīdēs iz Tovim vaicuojumim i vnk byus lobs bīdrs!



## Es tevi mīloju!

Pa storpu klipa filmeišonai i gaideišonai, nuocs klajā jaunuokīs grupas singls – dzīsmē „Es tevi mīloju!” Tāņ drūši var gaideit, praseit i atbalsteit itū dzīsmi vysuos Latvejīs radeju stacejuos! Klausīs, meijoj i atbolsti! Itū dzīsmi vari atrost ari grupys ūtrajā albumā „Plastilina pasaule” voi ari pasaklauseit draugiem.lv muzykys sadalī, i ka pateik – drūši ari nūbolsuot! Paradzāts, ka itai dzīsmei byus ari verseja krīvu volūdā, kai pateiceiba pyrmajim grupys centīnu atbalsteituojim nu radio „Ef-Ei”.



Ite ari atrossi dzīsmis vuordus, kab nu sirds vari dzīduot leidza:

Viļcīns iz perona,  
Nūguršs stuovs.  
Puor placu tik sūma,  
Pylns cereibu skots.  
Kuojis tam gryutys  
I smajds samuoksluots,  
Kod konduktors bileti  
Puorsyt i dūd..  
Ni rauduot, ni smītīs,  
Acs verās sīnā īškā :  
„Zini, as gaideju tevi!  
Redzieju tālu, kas izīt  
Nu bīzuos reita myglys,  
Redzieju motus,  
Kas viejī skaisti pļīvoj,  
Dzierdieju bolsu, kas saceja :  
„Vēj palīc!”  
Stīpu rūku sev prīškā..  
Viejš cēlēs i putekljus cēle,  
Grīza tūs dejī, kai tūraiz..  
Tu atsacer?!

**I naprosi, par kū  
Maņ vajag prūjom īt.  
Es tevi mīļoju!  
Kaidš viejam čukst,  
Ka vajag palīkt te  
Es tevi mīļoju!**

Žāļ, ka nūtic cylvāks īdūmom,  
Kas maldynoj tik bīži.  
Bet eisteneiba vīnkuorša –  
Tū daļuos nasagrīzsi!  
Meiteņa skrēja,  
Vēļ viļcīni iz perona redzieja,  
Tikai slīžu monotonuo skaņa  
Prīškā jai saceja :  
„Vālu, pavysam nadaudz – par vālu!”

Pi attaiseituo lūga  
Viejš izpyuš dvēseli uorā..  
Apkuort nakts, bet  
Tei klaiņoj i gaida,  
Zyna, ka kuodreiz satiks tei tevi

Skaņ ļīki vuordi. Lai..  
Šudin tikai ceļš,  
Gola pīturu - vīn konduktore zyna.

**I naprosi, par kū  
Maņ vajag prūjom īt.  
Es tevi mīļoju!  
Kaidš viejam čukst,  
Ka vajag palīkt te  
Es tevi mīļoju!**

## **Rudeneiguo aptauja!**

Verūtīs iz rudeneigū laiku aiz lūga, Borowys MC daleibnīki atbiļdieja iz vaicuojumim par aizvadeitū vosoru i itū rudini!

### ***Rudiņš jau pylnā sporā, bet kaidys ir Tovys spyļgtuokuos atminis nu ituo goda vosorys?***

**Aigars:** Juosoka, ka itei vosora beja ļūti kolorita i dažaidim īspaidim puorboguota. Pymū reizi pabeju Briseli, i voi kotru dīnu izadūdas Breiveibys pīminekli paturēt rūka? ;) Lai saprastu itū teikumu, ite ari vina bilde! :) Ļūti daudz šūgod sagoja tīši jiura peļdāt, pi tam asu apcīmuojs ar Sūmu līci lgaunējā, i juosoka, ka pi myusim jiura ir daudz, daudz syltuoka! ;) Vēļ eipaši emocionali i naaizmierstami koncerti beja Leivuonūs i Varakļānūs. Lai gon šūvosor spielēt sagoja saleidzynūši moz, tūtīs var drūši saceit, ka vysī koncerti beja par vairuok nakai 100% gon atdevis, gon energejīs, gom emoceju zinī – nu obom pusem! :)

**Ingars:** Lobuokuo atmiņa ir braucīns iz Jēkabpils rajonu spielēt dzīsmis školys izlaidumā a piec tam pi Leilys tāva ēst šašlikus

**Leila:** Projekts „Cylvāks dobā, doba cylvākā”, kurā es pīsadaleju. Koncerts munā dzimtajā pylsātā – Leivānūs.

### ***3 lītys, kas Tev pateik rudinī:***

**Aigars:** Puordūmys, zalta lopys i gari vokori.

**Ingars:** Kruosainums, depreseja, sentimentālisms

**Leila:** Naapšaubamai pateik pots rudiņa suokums, kod lopys puortūp kūšuos kruosuos, pateik vārūt rudiņš lītu pa lūgu klausūtīs fonā mīreigu muzyku,



pateik nenūceineitys īlys, kurys ir apbuorsteitys ar nūkrytušojom rudiņa lopom.

### **3 lītys, kas varbyut eisti itymā godalaikā nait pi sirds:**

**Aigars:** Slapjais i drankeigais laiks

**Ingars:** Leits (ilgstūšs), mytrums, drāgnums

**Leila:** Soltums kuojom, rūkom, dagunam, nikai navaru sasasildeit (kai byus zīmā?). Cīš ilgstūšs pelieceigums, kas atsaspūguļoj ari cylvāku sejuos i attīksmē rudiņa laikā (laikapstuokli myus slapus tīekmej).

### **Meiluokuo rudiņa kruosa:**

**Aigars:** Sorkona. Kļavu lopu sorkona

**Ingars:** Dzlatani sorkonuo

**Leila:** Namādzu pīmekleit kotram godalaikam meiluokū kruosu. Pateik zyļa, violeta, zaļa, bolta, malna kruosa. Vysod.

### **Tovupruot rudiņam vajadzeigajā pamatapreikuojumā itylpst:**

**Aigars:** Man ītkās, ka gumejnīki, tod vēļ leidza juobyut smaidam (jebkura situacejī) i lobai muzykai (nu, kaidam Borowa Mc diskam)! :)

**Ingars:** Syltys drēbis, lītussorgs i termoss ar fotoaparatu

**Leila:** Munupruot, rudiņš bez sēnem, nav rudiņš. Vēļ tymā juoītuyļpst koč vīnam kastanim kārmanā ci sumkā.



### **Ar kū eipašu Tev īsazeimeis Rudīņš 2007 – personeigai i grupys dzeivē?**

**Aigars:** Pyrmais, kas nuok pruota, klips Babai Tonai. I tod val dorbs – luti daudz dorba, dazaida dorba! :) Golu golā raidiejums SeMA nakts sarunats nav svaks veids, kai pavadat 1dinu vokorus, ja nait migs! :) I dumoju, ka daudzys kruosuonais dinis val priksa! :) (Nui, nui, ka kaidš veļ nav pamanejs, tod Aigars nu septembra kotru pyrmudīnys vokoru voda SeMA nakts sarunys!)

**Ingars:** Ar tū, ka nav laika grupai i sev, pošu reizi tikai dorbs

**Leila:** Ar tū, ka maņ īsasuocs pādejais gods vydusškolā.

\*\*\*\*\*

### **Vīna nu BODRAP!**

Nui, kotru reizi BODRAP ziņuos kai loba tradiceja varātu byut draugu īpazeišona. Tai kai itei ir pyrmuo reize, tod īsapazeisam ari ar meitini, kas pyrmuo atsyuteja sovu dasacejumu! I tai – **Sigita Žīgure!**

### ***Pastuosti 5 vuordūs par sevi! Kas esi, kū dori, kas pateik, napateik?***

Asu Sigita, maņ ir 15 godi. Trenejūs džudo i volejbolā. Pavasari pabeidžu muoksls školū. Maņ pateik skaiteit gruomotys i ļūbeju ceļuot. Muoksla ir maņ cīš tyva līta. Pateik izapaust dzejā i gleznuot.

### ***Deļ kuo Tev pateik „Borowa MC”?***

Borowa MC pateik deļ tuo, ka, munupruot, dzīsmēs svareiguokais ir teksts. Borowys dzīsmes ir cīš skaistys, meilys i maņ cīš īt pi sirds. Maņ pateik tys, ka kotra dzīsmē ir eipaša i tuos nikod navarātu sajaukt ar kaidu cytu izpīļdeituoju dzīsmem. Plus ari veļ patīsi sirsneigais izpīļdiejums :)

### ***Tovs nūvieliejums BODRAP bīdrim i puorejim grupys draugim i atbalsteituojim!***

Nūvālu daudzī smaideit, satikt tikai jaukus i pateikamus cylvākus, i vysod atsacerēt par cylvākim, kas ir myusim rādā i bez kurim mes kotrs nabyutu nikas!



\*\*\*\*\*

## LML „Ceinis klubs”!

Pošu reizi plynā sporā ryt Latvejis Muzykaluos Leigys „Ceinis klubs”! Kotru trešdīnu plkst. 21:50 LNT kanālā i RadioSWH ēterā vari sekuot leidza Latvejis muzyķu ceīņai par lobuokuos goda dzīsmis titulu! Ir zynoms, ka 7. novembrī itymā ceīņā īsasaisteis ar Borowa Mc ar dzīsmi „Puseite”, kurā pīsadola ari Zane Dombrovska! Grupai preteimā stuosīs Melo – M ar „Daddy cool”, Dons ar „Tukšums” i Elli U ar „Live your life”. Suocam gataveitīs ceīņai! Paradzāts, ka pyrma tam grupa reikuos treneņu muzykalā i sportiskā gorā kūpā ar sovīm draugim i atbalsteituojim, bet vaira informacejis sekuos vāluok! Asit gataveibā treneitīs i atbalsteit! Grupa izlāmus, ka ari treis BODRAP bīdri ir pelnejušs atbalsteit i vāruot vysu ceīņu kluotīnē 7.novembrī deļ tuo teik izsludynuots **KONKURSS**, kura golvonuo bolva tod ir tei īspieja Tev byut tī – pošā ceinis vydā i korstumā! Kab īgiutu īspieji, tev **juoizdūmoj pretinīku** (atsacer, tei ir muzikala i mīreiga ceīņai!) **pīveikšonys taktika** i leidz **3. novembrim juoatsyuta iz bodrap@inbox.lv!** Lai labi lūbuos!!!



\*\*\*\*\*

## Muzykaluo banka!

Ar septembri plynā sporā dorbu atsuokuse Latvejis Radio 2 „SEB Muzykaluo banka”! Tī niu ar vasalom div nūguldeitom dzīsmem („Puseite” sadarreibā ar Zani Dombrovsku i „Zvīdzi, zvīdzi” sadarreibā ar veiru kūpu „Vilki”) atrūdoma ar Borowa MC! Grupa pīrcuosīs par Tovu atbolstu ari itymā reizē (atsacer, ka vysim par puorsteigumu tīši jī kliva par uzvārātuojim 2005. goda Muzykalajai bankai!) **29. oktobrī plkst. 14** grupa gasteis **LR2** studejī - Muzykalajā bankā snīdzūt interveji. Vaicuosi, kai Tu vari grupu atbalsteit? Nu tod tai:



1. Bez moksys reizi nedeļā vari bolsuot Muzykaluos Bankys sātys lopā [www.muzikalabanka.lv/](http://www.muzikalabanka.lv/) (izmontojom īspieji!)
  2. Syutūt eiszini iz 159 ar kodu **MB 107** (Puseite) ci **MB 139** (Zvīdzi, zvīdzi)! Reizi dīnā par vīnu dzīsmi var nūbolsuot tik vīnu reizi. Moksas par eiszini 15 santimi.
  3. Izmontojūt tū pošu portalu draugiem.lv. Syutūs eiszini SMB + tovs kods (atrassi Muzykaluos bankys draugiem.lv sadaļā) iz numuru 159 i taidā veidā īgiusi 5 bolsus. Moksas par itaidu eiszini 35 santimi.
- Taipoš kotru trešdīni nu 20 draugiem.lv portalā nūsarysynoj Muzykaluos bankys čats, kurā vari syuteit sveicīnus i pasyuteit dzīsmis i deļ kuo gon tei navarātu byut kaida nu Borowys dzīsmem! Paguojušā nedeļā Borowa ar „Puseiti” beja 12.vītā. Kūpeigai mes varom!!!

\*\*\*\*\*

## KONCERTS!!!

Nui, nui! Dreizi Borowa MC paradzāts kaidis koncerts! 2. novembrī plkst. 19:00 Bauskā, Kultury nomā! Paradzāta programma vasalys 1,5 h garumā! Grupa gaida gostūs!

\*\*\*\*\*

## Topojom!

I tod veļ informacejai, kur i kai veļ Tu vari atbalsteit grupys dzīsmis!

- „Puseite” - Latgolys Radejā (<http://www.lr.lv/?menu=topi>), Kurzemis Radejā (<http://www.kurzemesradio.lv/?cat=top>), Latvejis Muzykys kanālā (<http://www.lmk.lv/video/video.php?vid=80662>) un SEB Muzykalajā bankā (<http://www.muzikalabanka.lv/new/mb-top.php>)
- „Zvīdzi, Zvīdzi” - SEB Muzykalajā bankā (<http://www.muzikalabanka.lv/new/mb-top.php>)
- „Es tevi mīļoju” – draugiem.lv pi grupys profila (<http://www.draugiem.lv/music/musician.php?mid=3169>)



\*\*\*\*\*

## **KALENDARS!**

Tod vēlreiz atgudynuojumam kur, kai i kod tyvuokā laikā Borowu MC var redzēt, dziedēt, satikt!

26. oktobris – Daugovpiļs, „Baba Toņa inženers” klipa prezentaceja

29. oktobris – LR2 ēterā 14:00, interveja SEB Muzykaluos bankys ģtvarūs

31. oktobris – LTV7 SeMS Zupā! „Baba Toņa inženers” klipa prezentaceja

2. novembris – 19:00 koncerts Bauskys Kulturys nomā!

3. novembris – konkursa beigu datums!!!

7. novembris – LML Ceinis klubs! 21:50 LNT, Radio SWH

+ gaidi informaceju par treneņu!!!

**BOROWYS MC DRAUGU APVIENEIBA!**

**Roksti: [bodrap@inbox.lv](mailto:bodrap@inbox.lv)!**